

## تدبرات في سورة النازعات | #محاضرة | د. حازم شومان

حازم شومان

الحمد لله وكفى وصلة وسلاما على عباده الذين اصطفى. اللهم لك الحمد كله و لك الملك كله و بيدك الخير كله و اليك يرجع الامر كله.

اللهم صل على عبده ونبيك محمد صل على الله عليه وسلم في الاولين والاخرين وفي كل وقت وحين. اما بعد اخوانى - 00:00:01

احبابي في الله بادى زميلنا كده عايزين نتضم يا جماعة يعني ايه المسجد عريض شوية ولا اللسان ده حلوة ولا ايه بالزبط يعني اللي ضهره مش مش يقرب شوية. يعني اللي ضهره ما هو اش تعبه و كده و محتاج انه يسند عشان آآ عندك مشكلة في الضهر او كده ممكنا يقرب مننا شوية ان شاء الله بازن الله - 00:00:21

حبيبي وربنا يحفظك. ربنا يجوزك. من قلبي يعني. ان شاء الله اتجوزك من على الصراط ان شاء الله. احسن احسن حد يفهمنا غلط بس يا جماعة. يجوزك من على الصراط ان شاء الله بازن الله. هو فيه فرق يا جماعة بين ربنا يزوجك وربنا يجوزك. يعني يزوجك 00:00:42

كما يزوجك تبقى ايه؟ تتلخبطوني ليه؟ ربنا يجوزك يعني ايه؟ تجوز الصراط ربنا يزوجك يعني ايه؟ يزوجك ان شاء الله من الحور العين بقى. ومن الحور الطين ان شاء الله بازن الله. الحمد لله وكفى وصلة وسلاما - 00:01:02

على عبادي الذين اصطفى. اما بعد آآ يعني اخوانى واحبابي في الله. تعالوا نعيش كده مع صورة من صور كتاب الله. تعالوا نعيش مع آآ بعض ايات من كتاب الله - 00:01:22

في سورة من سور القرآن انت عارفين ان رمضان خلاص قرب على الابواب رمضان لسه باقى عليه. ايه يا دكتور احمد؟ لسه باقى على قد ايه؟ اه يعني اسابيع بازن - 00:01:32

الله سبحانه وتعالى وعارضين ان رمضان السنة دي مستهدف يعني فيه ايه في في الامم الاوروبية هيبقى في رمضان؟ ها آآ كأس الامم الاوروبية متھيأ لي هيبدأ اهو وهيبقى في يعني ايه؟ يعني في حاجة تابعة للامم الاوروبية في رمضان في الكورة. والسانوية العامة في رمضان وفي امتحانات جامعات في رمضان. والمسلسلات بتاعة رمضان - 00:01:42

لسه ايه تاني في رمضان؟ ها لسة فيه قصص كمان في رمضان. رمضان مستهدف يا جماعة. فاحنا عايزين السنة دي بازن الله رمضان في الجون. يعني ايه رمضان في الجون؟ عايزين رمضان صح - 00:02:02

ان شاء الله بازن الله. عشان يبقى رمضان في الجون عايزين نستعد استعداد قرآنى حقيقي سليم. قبل الانطلاق الى رمضان بازن الله سبحانه وتعالى. تعالوا عش مع سورة من سور القرآن. يعني السورة اللي في صدري كده وانا جاي لكم في الطريق. سورة النازعات. سورة النازعات. يعني الحقيقة ان اسم سورة النازعات - 00:02:12

فالاسم اسم صعب يا جماعة. اسم صعب من وجهين. المعنى المتبدادر الى الذين ان النازعات ديت ملائكة الاحتضار ملائكة نزع الروح. يعني النزع ده لما شجرة تتنزع من الارض. يعني حاجة ضد مقاومة شديدة. يعني انت لو عايز تعرف سبب الم الموت سبب الم الموت هو - 00:02:32

اديت حبك للحياة. فلما باجي انزع منك انت مسلا واحد بيعجب الذهب او. فماسك سرة دهب. فانا باشدها منه وهميسبيها لي بالساحل. لأن هتبقى لازم عشان كده وينزع الملك من ايه؟ وينزع الملك من يشاء. ليه ينزع الملك؟ لأن الملوك بيبقوا متبتدين في الملك. فمش بيسبيوا بالساحل - 00:02:52

يعني مش بيجي مسلا ايه يعني يحصل عليه اي مشاكل في مملكته يقول خلاص يا جماعة انا مش عايز ملك لأن مش عايز مين.

00:03:12 - ده بتبقى نزع. انت عارف -

دكتور سنان وهو بينزع درس مريض ولكن من غير بنج. فما بالك بنزع روح من كل عرق وعصب ومن غير بنج. ملائكة الموت. فكلمة النازعات كلمة صعبة ان فيه صورة تبقى بنتكلم عن الاحتضار. او ان فيه صورة تبقى بعنوان الاحتضار. جزاك الله خيرا - 00:03:22  
ان في جزاك الله خيرا جزاك ان تقول لها زوق والله على طول ان فيه صورة تبقى بنتكلم عن ايه عن الاحتضار فمعنى النزعة عشان كده في اللغة يقول لك آآآ آان - 00:03:40

اللي هو المهر اللي امه اتاختدت منه. او اللي اللي امه اتأسرت منه. يبقى نزيع خلاص هيموت على الشيء ولكن خلاص انى له فده  
النقطة الاولانية الصعبة في الاسم يا جماعة. ان الاسم بيتعلق بلحظة كل الناس خايفه منها. المؤمن والكافر خايف منها. المتدين وغير المتدين خايف منها - 00:03:54

اللي هي لحزة خروج الروح من الجسد. الكل قلقان جدا من هزه اللحزة. المعنى الثاني ان النازعات انك لن تستطيع ان قلق في الدنيا  
في الدين الا ان نزعت حب الدنيا من القلب. ان لازم عشان تنطلق في الدين لازم الاول الدنيا. المتأصلة في قلبك - 00:04:14  
زي ما قلنا ان الم الم الموت على قدر ايه؟ على قدر حبك للايه؟ للدنيا. يعني ان انسان يعني متعلق بالدنيا فنزع روح مش بيبقى  
زي انسان ايه هو اصلا متعلق بالآخرة يعني في فرق شديد جدا ما بين واحد قاعد في بيته وجد قوة من البوليس تقبض عليه - 00:04:34

عشان تسجنه سجن مؤبد وهو رايح معهم بيتنزع كأنه بيتنزع من بين مراته وولاده. واحد تاني شاب قاعد في البيت وفاقت عليه  
شلة اصحابه طالعين الساحل الشمالي نتفسح ولعب ونستمتع بشبابنا فهو نازل وبيجري وبيفرح ده الفرق بين النازعات غرقا  
والناشطات ناشطة - 00:04:54

الانسان رايح سجن. انسان كاره الاخرة والعياذ بالله لا يرجون لقاعنا. وانسان عايز ينطلق الى الله. وانسان مشتاق لربنا. ولقد كنتم ايه  
ها تمنون الموت. تمنون يعني ناس وصلت من درجة حب الاخرة. وحب لقاء الله ان الموت بقى ده امنية عندها. فالماء - 00:05:14  
النقطة الثانية اللي هي ان قضية نزع الدنيا من القلب دي قضية محورية. مشكلتك في الحياة الدنيا اللي في قلبك. اللي مكسلك  
وموقف وواهم دنيا حد يقدر يجيب لي دليل ان هم الدنيا هو سبب الشلل. ها قال رسول الله صلى الله عليه وسلم اللهم اني اعوذ بك  
من الهم والحزن - 00:05:34

فالاول الهم واعوذ بك من الايه؟ العجز والكسد. يبقى ايه اللي بيخللي الانسان يعجز ويكسد؟ ومش قادر والتلت الاخير من الليل مش  
 قادر تقوم. الفجر بيدين وانت مش قادر تصحى ان دايما اللي بيكسد الانسان هم الدنيا. لو انت اخلصت من هم الدنيا في قلبك  
هتنطلق الى الله. عشان كده قبل ما ربنا في سورة الحديد - 00:05:54

قل ساقوا الى مغفرة من ربكم. يعني ايه ساقوا؟ انزل المسابقة. اجر. انطلق الاية اللي قبل ساقه الى مغفرة من ربكم ايه؟ ها اللي  
قبلها ايه بسورة الحديد اعلموا انما الحياة الدنيا لعب ولهو وزينة يتفاخر بينكم وتكاثر في الاموال والاولاد. كمثل غيث - 00:06:14  
اعلموا انما الحياة الدنيا يعني لو انت خرجمت الدنيا من قلبك هتقدر تنطلق والسابق. طول ما الدنيا في قلبك انت مشلول. طول ما  
هموم الدنيا في قلبك وهموم طموحاتك وهي في قلبك وهموم مشاكلك الدنيوية في قلبك. القضية انك تقدر تخلص من هم الدنيا. لو  
قدرت تنزع هم الدنيا من قلبك. لو قدرت تجاهد وتنزع هم الدنيا من - 00:06:34

قلبك ستنطلق الى الله. هتبقى من المنطلاقين الى الله. فده معنى خطير جدا انزعوها من قلبكم بقى. عشان كده يا اخواننا حد يعرف  
سوره النازعات نزلت امتي حد يقدر يقول لي سورة النازعات نازلة امتي؟ زمن نزولها امتي - 00:06:54  
ما حدش يقول لي مكي ومدني. انا انا عايز بالزبط امتي؟ امتي؟ لما تعرف الوقت اللي نزلت فيه السورة السورة بتبقى كأني كنز  
واتفتح لك. لما تعرف السورة - 00:07:09

القصة دي نازلة امتي؟ النبأ والنازعات النبأ والنازعات نازلين في بداية المرحلة الجهرية. يعني النبي قعد تلات سنين عليه الصلاة  
والسلام مع الصحابة يربىهم في دار الارقم في الدعوة السرية. مرحلة المعانى التأسيسية بقى. اللي نزل فيها سورة الفاتحة ونزل فيها

سورة الاعلى. ونزل فيها جزء من سورة الفجر ونزل فيها - 00:07:19

جزء من سورة المزمل والمدرس واقرأ والقلم آ المرحلة التأسيسية الاولانية والليل المرحلة الاولى داهي اللي هي فيها المعاني التأسيسية للدين. بعد كده بقى جاء التكليف للنبي عليه الصلاة والسلام. انزل للناس في الشارع بقى. انزل للشباب في التوادي والمقاهي انزل للناس اللي واقفة في الشوارع - 00:07:39

انزل للناس في كل مكان. طبعا اهل مكة ما كانواش هيترعوا ان هم يدوا للنبي عليه الصلاة والسلام مكان سابت كده يقولوا له يا محمد ابن عبدالله آ قابل الناس في هزا المكان. اهل الباطل عمرهم ما بيعملوا كده مع اهل الحق. ولا بيسبيوهم يتكلموا في الدين ولا يتكلموا في - 00:07:59

بالساحل التكليف كان ان النبي ينزل في كل مكان وينزل في كل الشوارع. عليه الصلاة والسلام. الصور اللي نازلة في الوقت ده بقى اللي هو اول المرحلة جارية النباء والنازعات. يبقى لو انت هتنزل الوقت تكلم شباب على قهوة. شباب قاعدين على مقهى. هتكلمهم بصور ايه؟ بهذه السور. ما هي دي الصور اللي - 00:08:16

لناس اللي مش عايزه دين. عشان كده في سورة النباء عما يتتساءلون عن النباء العظيم. لما النبي عمل ايه؟ لما النبي طلع على جبل الصفا وصرخ السلام عن الدار الاخرة. ابو لهب قال له ايه؟ الها جمعتنا؟ تبا لك سائر اليوم؟ احنا بنحسب بهایم من البهایم بتاعتنا هربت ولا حاجة - 00:08:36

شوية انعام هربت بنحسب ان الفلوس بتاعتنا في خطر. انت عامل كل المشاكل ده ايه وبتصرخ في الناس والتجار اللي مش عارف بسبيب صفة يجري يسمع. بعث حد يجري يسمع ومكة كلها اتقلبت. عشان في الاخر تقول لنا في دار اخرة وفي جنة وفي نار وربنا هيحاسبكم - 00:08:56

وتبعث بعد الموت تبا لك. الها جمعتنا؟ شوفوا النبي عليه الصلاة والسلام. شوفوا الصور دي بتكلم مين؟ بتكلم ناس مش عايزه تسمع دين اصلا. تخيل لما تنزل تكلم واحد صاحبك في الدين يقول لك يا عم انا مش عايز اسمع. يا عم انا باتخانق اما اشوفك اصلا. يا عم انت خنيق مش عايز اسمع منك حاجة. في الصور دي بتتكلف. فسورة النبي - 00:09:16

بتكلم واحد مش عايز يسمع. تيجي صورة النazuات بقى بيتكلم مين؟ بتكلم واحد النazuات النبي عليه الصلاة والسلام كان بيستعملها في حاجة عجيبة جدا. حد عارف ايه الحاجة ديت؟ سورة النazuات الایات بتاعة جاءت الرأي يوم ترجمة الراجمة تتبعها الرادفة. ها؟ النبي كان بيستخدم هزه - 00:09:36

في حاجة، حد عارف ايه؟ في ايقاز في ايقاف جزا الله خيرا في ايقاظ الصحابة لقيام الليل. في ايقاظ الصحابة النبي كان يصرخ في المدينة المنورة عليه الصلاة والسلام - 00:09:56

اذا بقى ثلث الليل الاخر. ويقول جاءت الراجمة تتبعها الرادفة. جاء الموت بما فيه الا ان سلعة الله غالبة. الا ان سلعة الله الجنة من خاف ادلج. ايه ده ده خطبة - 00:10:10

ده النبي عليه الصلاة والسلام كان بيصحي الصحابة لقيام الليل بخطبة. النبي ده دي معاني تتشرح في درس يا جماعة. المعاني اللي النبي عليه الصلاة والسلام كان بيتنقز الصحابة فيها لقيام الليل - 00:10:30

فكان بيستخدم سورة النazuات لايقاظهم يعني ايه؟ يعني المعاني دي بتكلم واحد عايز عايز يصحى لقيام الليل ولكن مش قادر. عاوز بس مش قادر. نفسي ان انا اقرب ولكن مش قادر ودي مشكلة عند ناس كتير مننا. انا نفسي عايز تقدر انزع الدنيا من قلبك. اعمل عملية النزع. خرج الحاجة اللي عاملة لك - 00:10:40

شل جواك وهو حب الدنيا في القلب اللي انت لو اتخلى منها ستنطلق الى الله. سبحانه وتعالى. آآآ عشان كده من الكلمات العظيمة اللي في الصورة والناشطات نشطا. يعني اللي هيفهم سورة النazuات يا جماعة هيتحول الى ناشط اسلامي. مش بيقول لك ناشط سياسي ناشط اسلامي ناشط في قيام الليل ناشط - 00:11:00

في الصيام. ناشط في جلسات الضحى ناشط في الدعوة الى الله. ناشط في تلاوة القرآن. السورة دي بتديك نشاط لانها بتنزع الحاجة

اللي شالاك فبتقدر نشاط في العمل الصالح. تعالوا كده نحاول ايه يعني نتدبر كده في بعض ايات من سورة النازعات. ونعيش الجزء  
الثالثين يا اخوانا يعني ده اضعف الایمان يا جماعة. اضعف - 00:11:20

الايمان ان كل مسلم يبقى فاهم الجزء الثالثين. ده الجزء اللي كل الصلوات اللي انت بتصليلها تقريباً تسعين في المية. من الصلوات  
اللي انت بتصليلها مغرب وعشاء وفجر الائمة بيقرأ بها - 00:11:40

الجزء اللي الامة كلها حفزاً. يعني غالباً غالباً كده انا ممكن اصلاً اقول لك اية من الجزء الثالثين. تقوم انت مكملاً حتى لو ما انتاش  
عارف في سورة ايه. يعني ده الجزء اللي الامة - 00:11:50

لا تقريباً معظمها حافظوا. ده الجزء اللي سهل ان اي حد مننا يراجعه. فالمفروض الجزء الثالثين ده الناس بيتهيأ لها ان هو معاني  
سريعة كده وخلاص. كلام سريع ورا بعضه وخلاص - 00:12:00

والنازعات غرقاً والنashطات نشطى والسابقات سبحة فالسابقات انت بتقرأ ايه انت عارف انت بتقول ايه مش تبدأ تتدبر في الكلام  
اللي انت بتقوله ليه الجزء الثالثين الایات بتاعته سريعة سريعة لأن واحد نايم وفي غيبة خلاص. والقطر الساعة تمانية  
والساعة تمانية الا عشرة. وواحد بيرزع الباب عشان يصحي. يا يلحق يا ما يلحقش - 00:12:10

فيبرزع الباب بسرعة بسرعة بسرعة. بصورة مفزعه. يعني سورة ايه؟ سورة مقصود ان نمط الایات في الجزء الثالثين نمط  
يجعل نفسك يخوفك. يحسسك ان فيه موضوع خطير. ان فيه موضوع كبير. والنازعات غرقاً. والنashطات نشطاً. المنز - 00:12:30

الاولاني في الصورة منز اتنين نايمين في عنایة مرکزة بقى. اتنين آآ بيموتوا ولكن واحد نازل له ملائكة غير الثاني خالص. والنازعات  
غرقى. ده واحد الملايكة بتفرق في نزع الروح بتاعته. والنashطات ناشطة. ده منز تاني. ده واحد الملايكة بتتشط في - 00:12:50  
اخراج الروح بتاعته هو نفسه روحه تتشط يعني تخرج تسيل كما تسيل القطرة من في السقاء لو يعني ايه تسهيل القطرة من فيه  
سقاء؟ لو انا عملت اه بتاعة دي كده الماية ما هتصدق تنزل. الماية اصلاً عايزه تتحرك. فما هتصدق ان انا اعمل لها كده تنزل. اهو  
بالزبط كده. دي الروح بتاعة البني ادم - 00:13:10

المؤمن لما تيجي الملايكة بتاعة الموت هو ما مصدق يخرج. هو ما مصدق يخلص من هزه الدنيا. وان الدار الاخره لهي الایه حيوان  
يعني ايه اللي هي الحيوان؟ حد يقدر يقول لي يعني ايه ليها حيوان؟ - 00:13:30

طيب مكان ربنا يقول لي هي الحياة الایه يعني ايه الحيوان؟ قال لك الحيوان ديت على وزن الفعلان. قال لك الفعلان دي ما بتجييش  
في اللغة غير لما يكون حاجة الحركة بتاعتها فظيعة. الله بان. ها - 00:13:45

الخليان اه حاجة فيها حركة عزيمة. يقول لك الصيغة دي تيجي في اللغة لما تكون الحركة ضخمة وان الدار الاخره لا هي حيوان يعني  
انت ميتيين. هو انت فاكرین ان الدنيا دي! يا عم انت اخرك لما تروح تفتسح هتططلع على جمصة يعني! تضرب لك آآ نص كيلو سمك  
مشوي من هناك وتيجي - 00:14:07

بتعمل ايه يعني؟ الشاب الروج طحن اخر حاجة بقى التنين بقى اللي ما حصلش يعني. هياخد الشلة بتاعته ويطلع على الساحل  
الشمالي. انت بتعمل ايه؟ يا ابني وتلك الجنة - 00:14:27

التي ورثتموها قال بعض المفسرين ان الرحلة التي يقطعها المؤمن اول رحلة له في الجنة بس. لاستكشاف املاكه بتاخد الف سنة. من  
اجل ان شف املاكه في في الجنة. وان الدار الاخره لهي الایه؟ الحيوان. يعني حركة مهولة. انت عارفين الجنين في بطن الام. تيجي  
تكلمه بقى تقول له ايه اخرج للدنيا - 00:14:37

دنيا ايه! حرام عليك! ده انا باحرك ايدي وباحرك رجلي وعايش! بعد ما يخرج بقى وياقى شاب بقى وراجل بقى زينا كده! تيجي تقول  
له ترجع بطن الام تاني! يقول لك حرام عليك ما - 00:14:57  
بالحياة. ارجع ازاي؟ هو ما كانش متخيل ان هو اصلاً ما هواش عايش. غير لما جه الدنيا. اهو بالزبط كده الانسان في الدنيا. تقول له  
الآخرة والجنة يقول لك - 00:15:07

القبر الضيق يا ابني ضيق مين ؟ يا ابني وان الدار الاخرة لهي الحيوان انت ميت بالحريا. هو انت عايش اصلا! هو انت عايش انت انسان مدفون يبقى لا هي الحيوان يعني الحياة المليئة بالحركة. المليئة بالمتعة. المليئة بالذهب والمجيء - 00:15:17  
في التعيم وفي اصناف التعيم يبقى آآ يبقى ديت والنازعات غرقا والناشطات ايه؟ والناشطات نشطا النازعات غرقا. ملايكة اللي بتنزع رح الظالم او الفاجر او كافر وتغرق في نزع الروح والعياذ بالله. والناشطات ناشطة الملائكة التي تنشط في اخراج روح المؤمن. وهو روحه بتنشط معهم. طب والسابحات - 00:15:37

في سبحة ها الملائكة برضه نوع من اصناف الملائكة اللي آآ السباحة هي الانطلاق بالعائق. يعني السباحة الانسان بيسبح يعني ايه بيسبح؟ ينطلق بلا عائق ما فيش حاجة موقفاه. لا يعوقها شيء عن عبادة الله. فالسابقات سابقة التي تتتسابق لارضاء الله - 00:16:00  
فالمدبرات امر التي استعملها الله في تدبیر امور الكون. ده ملك الجبال ده ملك المطر. ده ملك السور. ده ملك يبقى عشان كده يعني بعض المفسرين اشار الى ان المقدمة بتاعة سورة النازعات مش بس عن الملائكة. وانما ده منهج التربية القلبية اصلا. لو انت عايز تصلح - 00:16:20

قلبك الایات دي مرتبة لك طريقة اصلاح قلبك. يعني انتم عارفين ان الایات ممكن يبقى لها اكتر من معنى. ممكن يبقى لها اكتر من تفسير. يعني مسلا وازا القوا منها مكانا - 00:16:40

ايه؟ ضيقا مقرنين. يعني ايه مقرنين؟ في مفسرين قالوا مقرنين. يعني تقوم ايديهم مربوطة في بعض كده وايديهم ترتبط في رقبتهم والعياذ بالله لا يقتربوا ببعض كده ويتفاوتوا بقيود ويترمي في جهنم والعياذ بالله وهو ايه مقرن في بعضه. بعض المفسرين قالوا لأن ده الشلة - 00:16:50

الصحبة السوء مع بعض بقى اللي كانوا بيعصوا ربنا مع بعض. يتسلسلوا في سلسلة واحدة مع بعض ويتربوا مع بعض. ها مفسرين تانيين قالوا لأن ده الواحد بيجي مع قرین - 00:17:10

الشيطان بتاعه قرین الشياطين بتاعه ويتسلسل معه ويترمي معه. مقرن معه فهی كلمة ولكن لها اكتر من ايه؟ لها اكتر من انا زى قول الله ولا تنسى نصيبك من الدنيا. فيه مفسرين قالوا يعني ايه ولا تنسى انت سيبك من الدنيا. ها؟ يعني ايه؟ يعني آآ خد - 00:17:20

الحلال يعني كل واشرب واتبسط عادي الدنيا فيها حلال. جمهور المفسرين على خلاف هزا. جمهور المفسرين وابن عباس على ان ولا تنسى نصيبك من الدنيا مش ده معناه؟ او مال معناه ايه؟ معناها اياك ان تضيع عمرك دون ان تفعل طاعات تلقى بها الله. يعني الم نصيبك ده - 00:17:40

مش الاكل والشرب الاكل والشرب ده بيتأكل وبعد كده يترمي في الزبالة. قال لك نصيبك بجد هو العمل الصالح اللي انت عملته. ده جمهور المفسرين في الاية. ناس تالتة قالت كلمة عجيبة جدا، قالت لأن نصيبك من الدنيا لا هو الطاعة ولا هو المباح والاكل والشرب، امال ايه؟ قال لك الكفن ده قول في التفاسير. يعني ايه الكفن - 00:18:00

وانز لمن ملك الدنيا باجمعها. هل راح منها بغير القطن والكفن؟ فقال لك انت الدنيا دي كلها بنيت ما بنتش كسبت فلوس عملت رصيد خلفت عيال. في النهاية بتخرج منها بايه؟ كفن. ما خدتش منها غير الكفن. فقال لك اياك ان تنسى الكفن. هات كفن وحط - 00:18:20  
في الدولاب بتاعك ودايما افتكر الكفن. وافتكر ان ده الحاجة الوحيدة اللي انت هتخرج بها من الدنيا. فهل هذه المعاني يصاد بعضها بعض؟ لأن دي معاني ايه ده سليم وده سليم. والقرآن ايه؟ بيبقى آآآ ممكن الاية الواحدة تخرج بمعاني. ففي آآ هنا ممكن ده يبقى ترتيب اصلاح القلب - 00:18:40

يعني ايه ترتيب اصلاح القلب؟ قال لك والنازعات غرقا. قال لك ده اول مرحلة لو انت عايز تبقى انسان نصيف. لو انت عايز توصل لربنا دي اول مرحلة في الطريق. ايه هي - 00:19:00

انك لازم تنزع الدنيا من قلبك. انك لازم تشيل حب الدنيا من قلبك. هو ده القيد اللي جواك. انا عايز انزل واجري في المسابقة. يا ابني الاول اتخلص من الاغلال اللي مكبلاك. افهم الاول حقيقة الدنيا وافهم حقاره الدنيا. عشان تعرف تنطلق الى الله. فقال لك اول مرحلة

ان تواجه حب الدنيا - 00:19:10

في القلب وتنزعه. قال لك المرحلة الثانية والناشطات الناشطة. يعني ايه الناشطات نشطة؟ انك اول ما هتبأ تخلص من حب الدنيا هتلاقي نفسك بقى نشيط في طاعة نشيط في القيام. نشيط في ذكر الله. في جلسة الضحى. ما تلاقيش نفسك بعد الفجر. راسك بتسقط نشيط - 00:19:30

في ذكر الله والسباحات سبحا. فلما تبدأ تنشط في الطاعة هتدخل في مرحلة السبح اللي هو الانطلاق بالعائق. ما فيش حاجة هتعطلك عن ربنا بقى لانك انت اول ما بتقول انا هتوب وهلتزم وانت فكرك الشيطان هيسيبيك ؟ ده انت شقى عمره. ده طافح الدم فيك -

00:19:50

لما كنا بنعمل معسكرات شبابية آآ ايامنا الحلوة واحد وايامنا الحلوة اتنين الواحد والله يا اخواني والله انا ما كنت اعرف ان الشيطان بيشتغل كده يعني سبحان الله العزيم الشيطان لما بيلاقى ناس بتوب بيتجنن فيبيداً يعمل حاجات يعني يقول لك اكبر خدعة او اكتر حاجة الشيطان نجح فيها - 00:20:09

انه ضيع الناس من غير ما حد يحس به. لما الشيطان بيلاقى واحد بقى تعب معه وجاي يتوب الشيطان بيجن. تلاقي الشباب مسلا عايزه تتوب يرجعوا بيتهم تلاقي واحد بيتصل هو ايه ده! المعصية اللي انا هاموت عليها وقاعد اجري وراها. اول ما رجعت من معكم هي اللي بتجري ورايا - 00:20:29

اه سواء المعصية دي مسلا واحد تاني يقول لك ده انا مش عارف لما رحت عمرة عشان اتوب من المخدرات نوع المخدرات اللي بادور عليه بقى لي سنين بقى لي فترة طويلة ما لقيتوش غير هناك. ما انا ما فيش غيرك ازيك يا ابني؟ واحد تالت يقول لك ده انا الميموري اللي عليها الحاجات اللي بتذكرني بالماضي - 00:20:49

الاديب ما لقتهاش غير اول ما رجعت من معكم. واحد رايع يقول والله يا اخواني حاجة عجيبة. كان الشيطان هيتجنن. فكل واحد واحد بيجي يتوب الشيطان يقوم بقى ايه عامل له اي حاجة. عشان كده وقل رب اعوذ بك من همزات الشياطين. مش همز الشيطان - 00:21:09

لان الشيطان مش بيجي بيزك انت لوحدك. لما بتجيبي تتوب. ده بيجي يحاول مع الشاب ما عرفش. يقوم رايع لابوه. ايه! الواد هيضيع. ابنك هيضيع. انت سيب ابنك يضيع ازاي ؟ الولا يسيب دراسته. الولا هيمشي مع ناس ما ينفعش مع ابوه. يقوم رايع مع والدتك. انت ساية ابنك ازاي ؟ يقوم رايع لاصحابه - 00:21:29

اتريقوا عليه. رجعواه باي طريقة. انتم هتسبيوا صاحبكم ازاي يفلت من بين ايديكم. يقوم رايع لمراته. يقوم رايع لولاده. هيتجنن عشان يضيع الانسان. وبعد الناشطات نشطة. كم واحد نشط في طاعة ربنا؟ كم واحد جري في طاعة ربنا؟ وبعد كده لما حصل له فتنة قام واقع. هنا بقى - 00:21:49

سبحة ان مهما جه الشيطان يعطلك انت منطلق بلا عائق. ما فيش حاجة بتوقفك. هنا بقى بتدخل في مرحلة جميلة او ي اسمها في السابقات سابقا. انك بتبقى من اصدق الخلق الى الله. انك بتبقى انسان طلعت لقدمك بقى. انطلقت في الدين بحق وحقيقي. بقىت صابر - 00:22:09

فيحصل الكلمة الخطيرة بقى فالمدبرات ايه امرا يعني ايه فالمدبرات امرا ان يستعملك الله في تدبير امور الدعوة. ربنا بقى يستعملك في مجال من مجالات خدمة دينه. يستعملك في العمل الخيري. يستعملك في الدعوة الى الله - 00:22:29

استعملك في بناء المساجد يستعملك في فرعون غير المسلمين. يستعملك في تربية اطفال المسلمين. يستعملك في آآ تحفيظ القرآن وتجوييد القرآن يستعملك يستعملك بقى. يبقى لو عايز ربنا يستعملك البداية والنازعات غرقا يوم ترجمت الراجمة. تتبعها الرادفة -

00:22:46

قلوب يومنذ واجفة ابصارها خاشعة. يقولون ائن لمددوون في الحافرة! يا عم انتم بتقولوا في الحافرة ده الارض دي قاعدة تحفر فيك عارفين الحفريات؟ الحفريات يعني ايه ؟ يعني جمجمةبني ادم مسلا مات مسلا من تسع تلاف سنة. جمجمةبني ادم -

00:23:06

وهيكل عزم اكتشفوه يقول لك ده عمره ميت الف سنة. يقول لك دي اسمها حفريات. فيقول لك يعني بعد ما الواحد يموت ويعدي عليه الاف السنين انت عايز تقول لي ان ده هيطلع تاني ان الممسل الفلاني هيبقى بعد ما بقى تراب هيرجعبني ادم تاني ان ان -

00:23:26

اغني الفلاني بعد ما بقى تراب هيرجعبني ادم تاني يقولون ائمة لمددودون في الحافرة. اذا كانا عظاما نخرة. نخرة يعني ايه ايه؟ يعني العضم اتنخر. بقى عارفين المنخار صوت الهواء بقى الهواء يدخل في العضم من ناحية يخرج - 00:23:46 من الناحية الثانية يعمل زي صوت الهواء كده من المنخار. اذا كانا وفي قراءة عظاما نخرة. اذا كانا عظاما نخرة بعد ما ابقى شوية عضم كده مفتت عضم مسقوب وعضم متأكل. اذا كانا عظام النخرة؟ قالوا تلك اذا كرة خاسرة. يعني ايه قالوا تلك اسم -

00:24:06

البعيد يعني يا عم يوم ايه بقى يا عم حلني! يا عم يوم القيمة مين يا عم! تلك اذا كرة خاسرة يعني بالتعبير كده آآآ زمان لما كانا اطفال كده وتشوف فيلم مسلسل عربي. فالفيلم عايز يجيب لك ان الناس دي شريرين جدا. وان العصابة دي شريرة جدا. فتلacciون بقى قاعدين مع بعض بيضحكوا كده ويقول لك ايه - 00:24:26

ده لو البوليس قبض علينا ده احنا كانا نروح فدائية يومه داحkin يعني عايزين ايه؟ يعني عايز يقول لك انهم شريرين لدرجة انهم عارفين انهم شريرين. وعارفين ان لو فيه عدالة هيروحوا في مصيبة. وعارفين ان لو اتقبض عليهم هيروح في مصيبة. فدول كده يقولون ائنا لمددودون في - 00:24:46

اذا كانا عظام النخرة؟ قالوا تلك اذا كرة خاسرة. ده لو طلع في بعس بجد هنروح في ستين مصيبة. ليه؟ لأننا لامنا به ولا اشتغلنا به ولا عملنا يعني هو مجرم وهو عارف انه مجرم يوم ترجم الراجلة. الكلام ده امتنى؟ يوم ترجم الراجلة اللي هي النفخة الاولى. اللي هي النفخة اللي - 00:25:06

تقوم على الناس بتنهي الدنيا وتنهي الحياة ويموت اهل الارض وتموت الكائنات وتموت ملائكة السماوات السبعة ويموت حملة العرش يوم ملك الموت ويموت الجميع. يموت جميع من في الكون ولا يبقى الا الله سبحانه وتعالى. لا يبقى الا ما لك الملك. يوم -

00:25:26

فترجم الراجلة تتبعها الرادفة. الرادفة اللي هي النفخة بتاعة الاحياء بقى. اللي هي نفخة الساق اللي بتتحيا فيها الكائنات كلها. اللي تلقي من تحت التراب طلع مليارات البشر و مليارات الجن. و مليارات الطيور و مليارات الوحش. و ابليس والانبياء والصديقين. الكل طالع تتبعه - 00:25:46

الرادفة. انما ربنا يعني شف يوم ترجم الراجلة. مش يوم ترجم يوم ترجم. النفخة اللي الناس بتترجف منها هي نفسها بتترجف من جلال الله. وبترتكف من الخوف من الله. قال تعالى يوم ترجم الارض والجبال. ترجم - 00:26:06

الارض اللي لا حساب عليها ولا عذاب ولا اي حاجة بتترجف من ذلك اليوم. يوم ترجم في الارض والجبال الجبال بتترجف امال البنى ادم المفروض يحصل له ايه؟ عشان كده النبي عليه الصلة والسلام اخربنا انه يوم الجمعة تشفق كل الخلائق منه. ليه - 00:26:26 لانها تعلم انه يوم القيمة. ربنا بيقول لك واذا الارض مدت وايه؟ والقت ما فيها وتخلت. القت ما فيها. يعني يعني ممكن من الخوف والفز القط ما فيها. انت تخيل الارض تلقي من الخوف ومن الفزع. آآ ما فيها. امال الانسان هييعمل ايه؟ وتخلت. الكل هيتخلى عنك -

00:26:46

حتى الارض امك اللي انت مخلوق منها. الكل سيتخلى عنك البشر والارض وكل شيء. فاين ستذهب ومن لك يومها الا ان يرحمك الله ان يرحمك الله سبحانه وتعالى. يبقى الكون نفسه خايف يوم ترجم الراجلة تتبعها الرادفة قلوب يومئذ واجفة. ابصارها خاشعة -

00:27:06

يقولون كانوا في الدنيا بقى بيقولوا ائنا لمددودون في الحافرة؟ يعني يوم القيمة فيه سخرية عليهم. انتم كنتم في الدنيا بتقولوا كده

؟ كنتم تقولوا انذا كنا ومن نكر قالوا تلك اذا كرة خاسرة فانما هي زجرة واحدة. انما اقوى اداة حصر في اللغة فانما هي زجرة واحدة -

00:27:26

ايه ده! الكون كله لا يتحمل نفخة. مش نفخة من الله. وانما نفخة من جندي واحد من جنود الله. نفخة واحدة. عارف لما واحد بيجي الثاني يقول له يا عم رح ده انت ما فكش نفخة. الكون ده هو كله ما فيهوش نفخة. فانما هي زجرة واحدة فاذا هم بالساهرة. الساهرة اللي هي ارض - 00:27:46

سميت السيارة لان خمسين الف سنة سهر. ما حدش هيئنا. ما فييش حاجة اسمها واحد تعب بعد عشر تلاف سنة فيئنا. ما فييش الكلام ده. اه فازا وفي بعض المفسرين - 00:28:06

السيارة اللي هي جهنم لانه لا نوم في جهنم. ما فييش نوم في جهنم. زي الجنة كده. الجنة فيها نوم ولا ما فيهاش نوم قال لك الجنة ليس فيها نوم الاجهاد. يعني ايه نوم الاجهاد؟ يعني انا جربت وتعبت وسافرت ورحت واتفسعت فراجع تعبان عايز اريح - 00:28:16  
قال لك النوم ده مش في الجنة. انما من باب التلذذ يمكن ان ينام الانسان ايه ؟ من باب التلذذ. انما نوم الراحة بعد الاجهاد وازهاب التعب قال لك هذا ليس موجود في الجنة. ما فييش تعب في الجنة. فانما هي زجرة واحدة فاذا هم ايه؟ بالساهرة. وانت عايش مع الدار الاخرة وعايش مع - 00:28:34

القيامة وعايش مع الاحdas بتعاته تلقي الایات خدتك لجو تاني خالص. هل اتاك حديث موسى؟ الایات خرحتك في مجال تاني خالص هل اتاك حديث موسى اذ ناداه ربه بالوادي المقدس طوى. اذهب الى فرعون انه طغى. هو انت لو بتحسبها كده - 00:28:54  
عقلك المفروض ازا بالفرعون انه ايه؟ طغى. طغى ده يعني مرعب. ده طاغية. داعية سيواجه طاغية. داعية سيواجه طاغية لما اهل الدين ما بيوواجهوش الزالمين الناس بتقتن في الدين. آآ في ناس تقول لك ده الدين ده ما لوش دعوة خالص بقى بكلمة حق في وجه زالم يبقى الدين بتاعه - 00:29:14

وفي ناس تانية تقول لك ايه ده! هو ده الدين! يقوموا ينقلب على الدين ويلحده والعياز بالله! يقول لك ده ايه! ده ده لا يمكن يكون دين وده ما ينفعش دين والعياذ بالله - 00:29:35

هنا داعية امام طاغية. داعية سيواجه ايه ؟ طاغية آآ طب هو ممكنا اللي يواجه الطاغية العوام عوام الناس فيه صورة واحدة بس في القرآن ابطال المشهد هم العوام - 00:29:45

مش اللي مش داعية او بطل. سورة في القرآن ابطال المشهد هو العوام اللي ماشيين في الشارع. اللي واجهم ووقفهم وسيبitem وماتوا وضحوا بعمرهم عشان سورة ايه لا انا بقول الناس اهل الكهف برضه ابطال دول مجموعة من الابطال. انا بتكلم عموم العوام. العوام طول عمرهم ما لهمش اي سقل في التغيير. في تغيير الواقع - 00:29:59

فيه صورة بقى للعوام وقفوا بروحهم وبحياتهم و كانوا هم ابطال المشهد. سورة ايه؟ ايه ايوة البروج البروج اترموا في النار عشان الحق هو عمر العوام بيترموا في النار عشان الحق! هو عمر العوام بيقفوا في قضية اصلا! ولا اول ما الزالمين يقوموا مهددينهم! عمر العوام بينطظم - 00:30:22

واشمعنى في سورة البروج؟ اشمعنى دي المرة الوحيدة اللي العوام وقفوا للظلم واترموا في النار هم وولادهم وما رضوش ان هم يسيبوا مكانهم حد يقدر يقول لي اشمعنى؟ لا يقول لي اشمعنى بقى؟ يعني ممكنا ادي له منديل هدية - 00:30:43

او علبة عصير هدية اصل دي جامدة اوبي. دي بصراحة معنى يا جماعة احنا مقتدینه جدا. معنى مؤلم. اشمعنى في سورة البروج؟ اشمعنى في قصة غلام الاصدودي هي اللي العوام بقى وابطال بالمنزد ده. عمر العوام ما كانوا بالمنزد ده. طول عمر اللي بيقف في وش الزالمين ابطال معينين. انما ان الناس كلها فجأة البطولة تنبعس فيها - 00:30:58

الكلام ده منين؟ ها عارفين ليه؟ ها عشان لو حد يقولها بقى ويأخذ علبة العصير خلينا نحافظ على علبة العصير شوية ها آآ استنى يا شيخ احمد بس اصبر علي يا شيخ احمد علبة العصير كده كم انت مش واحدها لان غلام الاصدود اللي هو الداعية ضحي - 00:31:18  
ابو عمر قدام الناس. فالناس فهمت ان الدين هو ايه ان انا اضحي بعمري. ما هو الناس الناس يا اخوانا بيقلدوا اللي بيطلع المنبر دهوه.

ما حدش واحد بالله من هزه الحقيقة. الناس بيقلدوه. لقوه راجل - 00:31:36

الناس بتبقى رجاله. لقوه بيضحي عشان الدين. كنت زمان لما كان الواحد آآ يعني يعني بيقابل اخوة التبليغ فكانوا يقولوا كلمة حلوة او اي. يقول لك احنا لو قعدنا نتكلم ليل نهار عن الاخرة الناس مش هتصدق ان في اخرة. انما لما انا اجيب حاجة دنيوية غالبة - 00:31:50

وتتألف بها قلب واحد مش ملتزم عشان يتلزم. ساعتها الناس هتصدق ان فيه اخرة. قال لك ليه؟ قال لك الناس مش هتصدق بالكلام. اقعد ادن كلام عن الاخرة وانت حياتك زيك زي الناس. وبتجري على الدنيا زيك زي الناس. وبتقاول عليها زيك زي الناس. قال لك انما الناس امتي هتصدق ان في اخرة؟ لما اهل الدنيا - 00:32:11

لما اهل الدين يضحوا عشان الاخرة. ساعتها بس الناس تصدق ان فيه اخرة عشان كده النبي عليه الصلة والسلام لما شاف صفوان ابن امية في عينيه نظرة طبع رهيبة لما شاف غنم بين جبلين فالرسول عليه السلام عارف النزرة دي الرسول ربنا اهله للنبوة بالتجارة مش اهله للنبوة - 00:32:31

ان هو درس فقه وعقيدة. اهله للنبوة انه نزل الارض. واتعامل مع الناس وفهم الواقع. وفاحم نظرة الطمع اللي في عينين صفوان ابن امية فيبيقولوا اتعجبك يا صفوان؟ النزرة دي النبي عليه الصلة والسلام عارفها اتعجبك يا صفوان؟ قال له ومن لا يعجبه هزا رسول الله؟ قال له هي لك. هي لك. صفواني - 00:32:51

ابن امية شفكم واحد اسلم وراه. بسبب هزا الموقف. فالناس امتي هتصدق ان فيه اخرة؟ لما اهل الدين يضحوا عشان الاخرة مش لما اهل الدين يتكلموا عشان الاخرة. ف glam الاخدود امتي الناس رمت نفسها في النار؟ لما glam الاخدود قال للملك يقتله ازاي؟ عشان الناس - 00:33:11

تعرف الدعوة. فالناس فهمت ان الدين ان انا اضحي بروحى. فالناس ضحت بروحها. الناس بيقى الازمة فين فينا ولا فيهم؟ في الناس برضه بيقى الازمة فين؟ فينا ولا فيهم؟ الازمة فينا. الازمة فينا احنا. احنا لو صالحنا الناس هتصلح. الناس اللي قاعدة بتسمع درس دين في المسجد وبتتصلي - 00:33:31

في المسجد. الناس دي لو بقت قدوة حقيقة في الدين الناس كلها تصدق والناس كلها هتبقى علاقتها بالدين علاقة قدوة انما مش علاقة ايه؟ كلام هل اتاك حديث موسى اذ ناداه ربه بالوادي المقدس طوى. اذهب الى فرعون انه طفى. طب ليه قصة موسى جت بعد الآيات اللي بتتكلم عن القيامة - 00:33:52

والاحتضار والاخرة. ليه؟ ليه قصة موسى جت بعد ديت؟ لأن يا اخوانا انت عايز تقنعني ان انت خايف من جهنم بجد وشايف اختك في البيت. نازلة متبرجة ومش هامك ان هي تنزل المتبرجة. لو خايف من جهنم هتخاف على الناس - 00:34:12

لو انت نفسك في الجنة هتتمناها للناس. يبقى من عرف الاخرة لم يسكت. يبقى احنا عدم كلامنا للناس عن الجنة والنار بسبب ان احنا تصدق تصدقنا للجنة والنار ضعيف. احساسنا بالجنة والنار ضعيف. من عرف الاخرة لم يسكت. ليه قصة دعوة الى الله بعد قصة الكلام - 00:34:32

عن الاخرة لأن لو انت انسان صالح بجد والكلام بتاع الاخرة ده داخل قلبك انت هتبقى انسان مصلح. ومش هتبطل كلام عن الاخرة. وهتنزل تحزر ناس من عاقبة المعصية لو انت مصدق بجد هي دي القضية يا جماعة. ما فيش حاجة اسمها ان انا مصدق ان في اخرة ويักษ الناس تولع يعني يكش ان الناس تولع. مصدق ازاي يعني - 00:34:52

يعني منين ان انا عارف ان فيه حريقة على باب الشقة واخويا مصمم يخرج وانا اقول له تعال يقول لي لأن اخرج واقول له خلاص انت حر انت حر انا لو مصدق ان فيه حريقة - 00:35:12

غصب عنه. هتودي نفسك في مصيبة. لو انا مصدق ان المكان ده شريط قطر والقطر هيعدى الوقتي. واختي نامية على شريط القطر وبتقول لي انا مريحة شوية. ما فيش ولا حاجة انا ده غصب عنها. ليه؟ لأنها تنفرم. لو فضلت واقفة في طريق ايه؟ في طريق القتال. القتال. هل اتاك حديث موسى - 00:35:22

اذ ناداه ربه بالواحد المقدس طوى. لما رينا اختار موسى بقى واصطفاه. لما رينا اصطفى سيدنا موسى. يعني يعني النبي عليه الصلاة والسلام كان بيعبد رينا قبل ما رينا يصطفيه للنبوة - [00:35:42](#)

هل النبي الوحيد اللي كان بيعبد رينا يا جماعة؟ قبل ما رينا يصطفيه؟ ولا كان فيه ناس تانية بتعبد رينا؟ سيدنا ابراهيم مين ما هو سيدنا ابراهيم عليه السلام آآانت ما شاء الله انت يقز ما شاء الله بس سيدنا ابراهيم قبلها بكم بسنين طويلة جدا. لأننا بتتكلم سيدنا ابراهيم قبلها بحوالي تلت تلاف وخمسة سنة.انا بكلم - [00:35:59](#)

مع النبي كان فيه ناس تانية موحدة وما بتتسجدهش لصنم كان فيه. رقم واحد ورقة بن نوفل. رقم اتنين زيد ابن عمرو ابن نفیل. رقم ثلاثة ابو عامر الفاسق. اللي كان اسمه ابو عامر الراهن. قال لأ طب زيد ابن عمرو ابن نفیل كان شخصية اصطدامية - [00:36:19](#)  
كان يقف ويشتتم المشركين ويقول لهم انتم ضلال فاصطدموا به وطردوه برة مكة. ورقة ابن نوفل كان شخصية انعزالية. يا عم وانا مالي! وقعد بقى ينسى اخوات التوراة وقعد في بيته وما ليش دعوة بالناس. هم احرار هم دولار - [00:36:38](#)

ان محمد عليه الصلاة عليه الصلاة والسلام كان شخصية احتوائية. كان يطعم الكل ويحمل المسكين ويعين على نوائب الحق ويدخل في حلف ابن جدعان وهو عارف انهم ضلالية. وهو عارف انهم - [00:36:51](#)

ولكن هو بيتعامل مع الواقع عشان يغير الواقع. ما هو الشخصية اصطدامية ولا الشخصية انعزالية؟ فده اللي رينا اختاره. كان فيه واحد رايع بقى اسمه ابو عامر طيب ده واحد كان بيعبد عشان رينا يدي له النبوة. فلما رينا اعطاه لسيدنا محمد انقلب وده اللي حاول يقتل سيدنا محمد في غزوة احد. وسمي ابو عامر - [00:37:01](#)  
الفاسق والعياذ بالله ليه؟ لانه كان بيعبد عشان رينا يرفعه. كان بيعبد رينا عشان رينا يدي له مركز. عشان رينا يدي له وضع. فلما الوضع راح لغيره لا انا ما عبدتش عشان كده. فانقلب من ابو عامر الراهن الى ابو عامر الایه؟ الى ابو عامر الفاسق - [00:37:21](#)